



NEGERI SABAH

[JPAN: 700-3/2 JLD.3/(13)]

PEKELILING PERKHIDMATAN NEGERI SABAH BIL. 2/2020

BANTUAN KHAS AIDILFITRI DAN KAAMATAN TAHUN 2020

TUJUAN

1. Pekeling Perkhidmatan ini bertujuan melaksanakan keputusan Kerajaan untuk memberi Bantuan Khas Aidilfitri Dan Kaamatan Tahun 2020 kepada pegawai Perkhidmatan Awam Negeri dalam Kumpulan Pengurusan dan Profesional serta Kumpulan Pelaksana.

LATAR BELAKANG

2. Kerajaan melalui keputusan Jemaah Menteri pada 20 Mei 2020 telah meluluskan Bantuan Khas Aidilfitri dan Kaamatan Tahun 2020 kepada pegawai-pegawai Perkhidmatan Awam Negeri Sabah di Gred 54 dan ke bawah yang masih berkhidmat pada 20 Mei 2020 sebanyak Lima Ratus Ringgit (RM500.00). Bayaran Bantuan Khas ini juga turut dipanjangkan kepada Pekerja Sambilan Harian, Pegawai Lantikan Politik yang berkhidmat di Unit Pemimpin Pembangunan Masyarakat dan Pegawai Kerajaan Lantikan vot terbuka.

PEGAWAI YANG LAYAK

3. Pegawai yang layak diberi Bantuan Khas Aidilfitri dan Kaamatan Tahun 2020 adalah seperti berikut:

- 3.1 pegawai lantikan tetap, sementara dan *contract of service*;
- 3.2 pegawai yang bercuti bergaji penuh;
- 3.3 pegawai yang bercuti separuh gaji;
- 3.4 pegawai yang bercuti tanpa gaji;
- 3.5 pegawai yang dipinjamkan termasuk ke agensi yang diasingkan pengurusan saraannya. Bantuan Khas Aidilfitri ini akan dibayar oleh agensi yang menerima peminjaman pegawai.
- 3.6 Pegawai lantikan politik yang berkhidmat di Unit Pemimpin Pembangunan Masyarakat; dan
- 3.7 Pegawai Kerajaan Lantikan Vot Terbuka.

PEGAWAI YANG TIDAK LAYAK

4. Pegawai yang tidak layak diberi Bantuan Khas Aidilfitri dan Kaamatan Tahun 2020 adalah:

- 4.1 pegawai dalam Kumpulan Pengurusan Tertinggi dan setaraf termasuk pegawai yang memangku, dipinjam/ tukar sementara dan penempatan khas ke Gred Jawatan Utama/ Gred Khas;
- 4.2 pegawai yang dijatuhkan hukuman tatatertib dalam tempoh 1 Januari 2020 hingga 20 Mei 2020;

- 4.3 pegawai yang ditamatkan perkhidmatan demi kepentingan awam dalam tempoh 1 Januari 2020 hingga 20 Mei 2020; dan
- 4.4 pegawai yang meletak jawatan dalam tempoh 1 Januari 2020 hingga 20 Mei 2020.

PEGAWAI YANG DITANGGUHKAN BANTUAN KHAS KEWANGAN

5. Pegawai yang ditahan kerja, digantung kerja atau surat pertuduhan telah dikeluarkan oleh Pihak Berkuasa Tatatertib ditangguhkan Bantuan Khas Aidilfitri dan Kaamatan Tahun 2020 ini. Pegawai hanya layak diberi Bantuan Khas Aidilfitri dan Kaamatan sekiranya Pihak Berkuasa Tatatertib mendapati pegawai tersebut tidak bersalah.

PEKERJA SAMBILAN HARIAN (PSH)

6. Bantuan Khas Aidilfitri dan Kaamatan Tahun 2020 sebanyak RM500.00 dipanjangkan kepada PSH yang masih berkhidmat pada 20 Mei 2020 dengan syarat tempoh kontraknya telah berkuat kuasa sekurang-kurangnya 30 hari berturut-turut.

PESARA

7. Bantuan Khas Aidilfitri dan Kaamatan Tahun 2020 kepada pesara Kerajaan yang memilih skim pencen dan penerima pencen terbitan pada atau sebelum 20 Mei 2020 di bawah undang-undang pencen akan dibayar sebanyak RM250.00 oleh Bahagian Pasca Perkhidmatan, Jabatan Perkhidmatan Awam Malaysia.

8. Pesara skim pencen yang dilantik semula secara *contract of service* atau secara sementara dan masih berkhidmat pada 20 Mei 2020 layak diberi Bantuan Khas Aidilfitri dan Kaamatan Tahun 2020 sebanyak RM500.00. Pembayaran sebanyak RM250.00 akan dibuat oleh Bahagian Pasca Perkhidmatan, Jabatan Perkhidmatan Awam Malaysia dan bakinya sebanyak RM250.00 akan dibayar oleh jabatan di mana pegawai sedang berkhidmat.

PEGAWAI MENINGGAL DUNIA DALAM PERKHIDMATAN

9. Pegawai Perkhidmatan Awam Negeri yang meninggal dunia pada 20 Mei 2020 layak diberi Bantuan Khas Aidilfitri dan Kaamatan Tahun 2020 sebanyak RM500.00. Pembayaran kepada mana-mana penerima pencen terbitan yang layak di bawah undang-undang pencen sebanyak RM500.00 akan dibayar oleh jabatan terakhir pegawai berkhidmat.

TARIKH PEMBAYARAN

10. Bantuan Khas Aidilfitri dan Kaamatan Tahun 2020 ini akan dibayar pada 22 Mei 2020.

TANGGUNGJAWAB PEMBAYARAN

11. Pembayaran Bantuan Khas Aidilfitri dan Kaamatan Tahun 2020 ini adalah menjadi tanggungan jabatan di mana pegawai berkhidmat pada tarikh pembayaran.

TARIKH KUAT KUASA

12. Pekeliling Perkhidmatan ini berkuat kuasa mulai tarikh ia dikeluarkan.

PEMAKAIAN

13. Tertakluk kepada penerimaan pakai Pekeliling Perkhidmatan ini oleh pihak berkuasa masing-masing, peruntukan Pekeliling Perkhidmatan ini pada keseluruhannya dipanjangkan kepada semua Pihak Berkuasa Berkanun Negeri dan Pihak Berkuasa Tempatan Negeri.

'BERKHIDMAT UNTUK NEGARA'



[DATUK Sr. HAJI SAFAR UNTONG J.P.]
Setiausaha Kerajaan Negeri

Tarikh: 22 MAY 2020

s.k.: Setiausaha Tetap
Kementerian Kewangan Negeri Sabah
Blok C, Pusat Pentadbiran Negeri Sabah
Jalan Teluk Likas, Tanjung Lipat
88400 KOTA KINABALU

s.k.: Bendahari Negeri
Jabatan Bendahari Negeri Sabah
Level 8,9,10 dan 11, Blok A
Pusat Pentadbiran Negeri Sabah
Jalan Teluk Likas, Tanjung Lipat
88400 KOTA KINABALU

Diedarkan kepada : Semua Setiausaha Tetap Kementerian Negeri
Semua Ketua Jabatan Negeri
Semua Pihak Berkuasa Berkanun Negeri
Semua Pihak Berkuasa Tempatan Negeri
Semua Pegawai Daerah
Semua Penolong Pegawai Daerah, Daerah Kecil